



孟東野集目錄

卷第六

行役

西上經靈寶觀 泛黃河中往河陽宿峽陵

寄李侍御 鷓路溪行呈陸中丞 獨宿峴

首憶長安故人 自商行謁復州盧使君 虔

夢澤行 京山行 旅次湘沅有懷靈均

過彭澤 過分水嶺 分水嶺別夜示從

弟寂 連州吟 旅行

紀贈

上河陽李大夫投贈張端公
贈蘇州韋

郎中使君上張徐州
上色祭酒贈崔

純亮贈文應上人
嚴河南贈李觀

吳安西館贈從弟楚客
贈章仇將軍贈

道月上人杼情因上郎中
二十二叔監察

十五叔兼呈李益端公
柳縝評事贈城郭

道士桐廬山中贈李明府
獻漢南樊尚

書贈轉運陸中丞
贈萬年陸郎中擢

第後東歸書懷獻坐主呂侍郎
古意贈梁

蕭補闕贈黔府王中丞楚
上達溪舍人

贈主人贈建業契公
獻襄陽于大夫

贈鄭夫子魴大隱訪
贈韓郎中愈

戲贈無本

首二

孟東野集目錄

卷六終

孟東野集卷第六

行役

西上經靈寶觀

觀即尹真人舊宅

道士無白髮語音

元刻言

靈泉青青松多壽色白石

恒

時刻常

夜明放步霽霞起

時刻迢

振衣華風生真文

祕中頂寶氣浮四楹一片古關路萬里今人行上

仙不可見驅策徒西征

泛黃河

誰開崑崙源流出混沌河積雨

元刻羽

飛作風驚龍

噴爲波湘瑟颼颼絃越賓元刻嗚咽歌有恨宋刻
不可洗虛此來經過客雙眼

山不往河陽宿峽陵寄李侍御

算天寒風悲屑屑啼鳥遶樹泉水噎行路解鞍投
古陵蒼蒼隔山見微月鴉鳴犬吠霜煙昏開囊拂
巾對盤飧人生窮達感知已明日投君申片言

鷓路溪行呈陸中丞

鷓路不可越三十六渡溪有物飲碧水高林挂青
蜺歷覽道更險驅使跡頻宋刻睽視聽易常主心

魂互相迷浪石忽搖動沙堤信難躋危峰紫霄外

古木浮雲齊出阻時刻望汝郡大賢多招攜疲馬

戀舊秣羈禽思故棲應憐泣楚玉棄置如塵泥

獨宿峴首憶長安故人

月迥無隱物况復大江秋江城與沙村人語風颼
颼峴亭當此時故人不同遊故人在長安亦可將
夢求

自商行謁復州盧使君虔

一身遶千山遠作行路人未遂東吳歸暫出西京

塵仲宣荊州客今余

時刻為

竟陵賓往蹟雖不同託

意皆有因商嶺莓苔滑石坂上下頻江漢沙泥潔

永日

元刻水白

光景新獨淚起殘夜孤吟望初晨驅馳

竟何事章句依淡仁

楚山爭蔽虧日月無全輝楚路饒迴惑旅人有

多迷歸騏驥息北首鷓鴣願南飛我懷京洛遊未

時刻

厭風塵衣

京山行

衆蚩聚病馬流血不得行後路起夜色前山聞虎

聲此時遊子心百尺風中旌

分拙多感激久遊遵長途經過湘水源懷古方踟

躑舊稱楚靈均此處殞忠軀側聆故老言遂得旌

賢愚名參君子場行爲小人儒騷文銜貞亮體物

情崎嶇三黜有愠色卽非賢哲模五十爵高秩謬

膺從大夫胸襟積憂愁容鬢復

元刻先彫枯死爲不

弔鬼生作猜謗徒吟澤潔其身忠節寧見輪懷沙

卷之六

及古

東

二

沙古

滅其性孝行焉能俱且聞善稱君一何善自殊且
聞過稱已一何過不渝悠哉風土人角黍投川隅
相傳歷千祀哀悼延八區如今聖明朝養育無羈
孤君臣逸雍熙德化盈紛敷巾車徇前侶白日猶
昆吾寄君臣子心戒此真良圖

過彭澤

揚帆過彭澤舟人訝歎息不見種柳人霜風空寂

歷五都過分水嶺

山壯馬力短路行石齒中十步九舉轡迴環失西
東溪水變爲雨懸崖陰濛濛客衣飄颻秋葛花零

落風白日捨我沒

宋刻
去

征途忽然窮

分水嶺別夜示從弟寂

元刻示
于孟叔

南中少平地山水重疊生別泉萬餘曲迷舟獨難
行四際亂峰合一眺千慮并潺湲冬夏冷光彩晝
夜明賞心難久勝離腸忽自驚古木搖霽色高風
動秋聲

元刻古木解舊
葉迴風結秋聲

飲爾一樽酒慰我百憂輕

嘉期何處定此晨堪寄情

連州吟

春風朝夕起吹綠日日淡試爲連州吟淚下不可
禁連山何連連連天碧岑岑哀猿哭花死子規裂
客心蘭芷結新佩瀟湘遺舊音怨聲能翦絃坐撫
零落琴

又

羽翼不自有相追力難任唯憑方寸靈獨夜萬里
尋方尋魂飄颻南夢山嶠歎髣髴驚颺颺悉宰聞
楓林正直被放者鬼魅無所侵賢人多安排俗士

多虛欽孤懷吐明月衆毀鑠黃金願君保玄曜壯
志無自沉

又

朝亦連州吟暮亦連州吟連州果有信一紙萬里
心開緘白雲斷明月墮衣襟南風嘶舜瑄苦竹動
猿音萬里愁一色瀟湘雨淫淫兩劔忽相觸雙蛟
恣浮沉鬪水正迴幹倒流安可禁空愁江海信驚
浪隔相尋

旅行

楚水結冰薄楚雲爲雨

宋刻雪

微野梅參差發旅榜

逍遙歸

紀贈

上河陽李大夫

上將秉神略至兵無猛

宋刻

威

元刻兵無

三軍當

元刻

嚴冬一撫勝重衣霜劍奪衆景星夜失長輝

蒼鷹獨立時惡鳥不敢飛武牢鎖天關河橋紐地

機大將奚以安守此稱者稀貧士少顏色貴門多

輕肥試登山嶽高方見艸木微山嶽恩既廣艸木

心皆歸

投贈張端公

君子量不極胸吞百川流嫉邪霜氣直問俗春辭

柔日戶晝輝靜月杯夜

元刻

景幽詠驚芙蓉發笑

激風颺秋鸞步獨無侶鶴音仍寡儔幸沾分寸顧

散此千萬憂

贈蘇州韋郎中使君

謝客吟一聲霜落群聽清文含元氣柔鼓動萬物

輕嘉木依性植曲枝亦不生塵埃徐庾詞金玉曹

東野
六
劉名章句作雅正江山益鮮明萍蘋一浪艸菰蒲
片池榮曾是康樂詠如今舉其英顧惟菲薄質亦
願將此并

上張徐州

爲水不入海安得浮天波爲木不在山安得橫日
柯再來君子傍始覺精義時刻多大德唯一施衆
情自偏頗至樂無時刻宮徵至聲遺謳謔願鼓空
桑絃永使萬物和顧已誠拙訥干名已蹉跎獻詞
惟在口所欲無餘它乍作支泉石乍作翳松蘿一

不改方圓破質爲琢磨賤子本如此大賢心若何
豈是無異途異途難經過

上包祭酒

嶽嶽冠蓋彥英英文字雄瓊音獨聽時塵韻固不
同春雲生紙上秋濤起胸中時吟五君詠再舉七
子風何幸松桂侶見知勤苦功願將黃鶴翅一借
飛雲空

贈崔純亮

食齋腸亦苦強歌聲無歡出門卽有礙誰謂天地

寬有礙非遐方長安大道傍小人智慮險平地生

太行鏡破不改光蘭死不改香始知君子心交久

道益彰君心與我懷離別俱迴遑譬如浸蘖泉流

苦來時刻日長忍泣目易衰忍憂形易傷項籍非

不元刻豈非壯賈生非不良當其失意時涕泗各

沾時刻裳古人勸加餐時刻此餐亦刻難自強一飯九

祝噎一嗟十斷腸況是元刻兒女怨元刻怨氣凌

彼蒼彼蒼昔有知白日下清霜今朝始驚歎元刻

碧落空茫茫呼

贈文應上人

棲遲青山巔高靜身所便不踐有命草但飲無聲

泉齋性空轉寂學情淡更專經文開貝葉衣製垂

秋蓮厭此俗人群暫來還却旋

嚴河南

赤令風骨峭語言清霜寒不必用雄威見者毛髮

攢我有赤令心未得赤令官終朝衡門下忍志將

筑彈君從西省郎正有東洛觀洛民蕭條久威恩

憫撫難苦竹聲嘯雪夜齋聞千竿詩人偶寄耳聽

東野
苦心多端多端落

時刻多

杯酒酒中方得歡隱士多

飲酒此言信難刊取次令坊沽舉止務在寬何必

紅燭嬌始言清宴闌丈夫莫矜莊矜莊不中看

贈李觀

觀初登第

誰言形影親燈滅影去身誰言魚水歡水竭魚枯

元刻損

鱗管爲同恨客今爲獨笑人捨予在泥轍飄

跡上雲津臥木易成蠹棄花難再春何言對芳景

愁望極蕭晨埋劍誰識氣匣絃日生塵願君語高

風爲余問蒼旻

吳安西館贈從弟楚客

蒙籠楊柳館中有南風生風生今爲誰湘客多遠

情孤枕楚水夢獨帆楚江程覺來殘恨深

元刻心尚

與歸路并玉匣五絃在請君時一鳴

贈章仇將軍

將軍不誇劍才氣爲英雄五嶽拽力內百川傾意

中本立誰敢拔飛文自難窮前時天地翻已有扶

正功

贈道月上人

僧貌淨無點僧衣寧綴華尋常晝日行不使身影
斜飯木煮松栢坐山敷宋刻雲霞欲知禪隱高緝
薜爲袈裟

抒情因上郎中二十二叔監察十五叔兼呈

李益端公柳縝評事

方憑指下絃寫出心中言寸草賤子命高山主人
恩遊邊風沙意夢楚波濤魂一日引別袂九迴沾
淚痕自悲何以然在禮闕晨昏名利時轉甚是
非宵亦喧浮情少定王百慮隨世翻舉此胸臆恨幸

從賢哲論明明三飛鸞

元刻步兵與雙鸞

照物如朝暎

贈城郭道士

望裏失却山聽中遺却泉松枝休策雲藥囊翻貯
錢曾依青桂隣學得白雪絃別來意未迴世上爲
隱仙

桐廬山中贈李明府

靜境無濁氛清雨零碧雲千山不隱響一葉動亦
聞卽此佳志士精微誰相羣欲識楚時刻章句袖

中蘭茝薰

獻漢南樊尚書

天下管崩亂大君識賢臣衆木盡搖落始見竹色
真兵勢走山嶽陽光潛埃塵心開玄女符面縛清
波人異俗既從化澆風亦歸淳自公理斯郡寒谷
皆變春旗影卷赤電劔鋒匣青鱗如何嵩高氣作
鎮楚水濱雲鏡忽開霽時刻孤光射無垠乃知尋
常鑒照影不照神

贈轉運陸中丞

掌運職既大摧邪名更雄鵬飛簸曲雲鶚怒生直

風投彼霜雪令翦除荆棘叢楚倉傾向西吳米發

時刻

自東帆影咽河口車聲聳關中堯知才策高

人喜道路通皆驚內史力繼得鄴侯功萊子真爲
少相如未免窮衣花野菡萏書葉山梧桐不是宗
匠心誰憐久棲蓬

贈萬年陸郎中

天子憂劇縣寄淡華省郎紛紛風響珮螿螿劔開
霜舊事笑堆案新聲唯雅章誰言百里時刻才終

作橫天梁江鴻恥承眷雲津未能翔徘徊塵俗中

短毳無輝光

擢第後東歸書懷獻座主呂侍御

時刻郎

昔歲辭親淚今為戀主

時刻恩

泣去佳情難並別離

景易戢天矯大空鱗曾為小泉蟄幽意獨沉時震

雷忽相及神行既不宰直致非所執至運本遺功

輕生各

時刻苦

自立大君思此化良佐自然集寶鏡

無私光時文有新習慈親誠志就賤子歸情急擢

第謝靈臺牽衣

時刻名

出皇邑行襟海日曙逸抱江

風入蒹葭得波浪芙蓉紅岸濕雲寺勢動搖山鐘

韻噓吸舊遊期再踐懸水得重挹松蘿雖可居青

紫終當拾

古意贈梁蕭補闕

曲木忌日影讒人畏賢明自然照燭間不受邪佞

輕不有百煉火孰知寸金精金鉛正同

元刻在

鑪願

分精與麤

贈黔府王中丞楚

舊說天下山半在黔中青又聞天下泉半落黔中

鳴山水千萬遶中有君子行儒風一以扇汗俗心

東野 十二六 漢古陽
皆平我願中國春化從異方生昔爲陰草毒今爲
陽華英嘉實綴綠蔓涼湍瀉清聲逍遙物景勝視
聽空曠并困驥猶在轅沉珠尚隱精路遐莫及盼
泥汚日已盈歲宴將何從落葉甘自輕

轉不上達溪舍人

溪元刻奚

北山少日月草木苦風霜貧士在重坎食梅有酸

腸萬俗皆走圓一身

元刻心

猶學方常恐衆毀至春

葉成秋黃大賢秉高鑒公燭無私光暗室曉未及

幽吟涕空行

贈主人

斗水瀉大海不如瀉枯池分明賢達交豈顧豪華

兒海有不足流豪有不足資枯鱗易爲水貧士易

爲施幸覩君子席會將幽賤期側聞清風議飫如

時刻如飲黃金卮此道與日月同光無盡時

贈建業契公

師住青山寺清華常繞身雖然到城郭衣上不棲

塵

獻襄陽于大夫

襄陽青山郭漢江白銅堤謝公領茲郡山水無塵
 泥鐵馬萬霜雪絳旗千虹霓風漪參差泛石板重
 疊躋舊淚不復墮新歡居然齊還耕竟原野歸老
 相扶攜物色增曖曖寒芳更萋萋淵清有遐畧高
 躅無近蹊宋刻衆賦無暴掠輿歌有安綏卽此富蒼翠自然引翔
 棲曩遊常抱憶夙好今尚睽願言從逸轡暇日凌
 清溪

贈鄭夫子魴

天地入胸臆吁嗟生風雷文章得其微物象由我

裁宋玉逞大句李白飛狂才苟非聖賢心孰與造
 化該勉矣鄭夫子驪珠今始胎

大隱訪

古人留清風千載遙贈君破松見貞心裂竹看直
 文殘月色不改高賢德常新家懷詩書富宅抱草
 木貧安得一蹄泉來化千尺鱗含意永不語釣璜

幽水濱

右崔從事郎以直隳職一作官

飲君江海心詎元刻誰能辨淺淡挹君山嶽德誰能

齊嶽岑東海精為月西嶽氣凝金進則萬景晝時
 盡退則群物陰我欲薦此言天門峻沉沉風颺亦
 感激為我颼颼吟

右章仇將軍良棄功守貧或刻作後題

卑靜身後老高動物先摧方圓水任器剛勁木成
 灰大道母群物達人腹眾才時吟堯舜篇心向無
 為開彼隱山萬曲我隱酒一杯公庭何所有日日
 清風來

右趙記室倅在職無事

贈韓郎中愈

元刻何以定交契至天意當察
 微作一首前日遠別離六句作
 一首時刻何以定交契四韻作一首碩鼠
 既穿牖六韻作一首無前日三韻俱非

何以定

元刻交契贈君高山石何以保貞堅時刻

贈君青松色貧居

元刻過此外無可相彩飾聞君

碩鼠詩

時刻更有
 其鼠詩吟之淚空滴元刻堪
 淚滴

又

碩鼠既穿牖又嚙機上絲穿墉有閒

元刻土嚙絲

無餘衣朝吟枯桑柘莫泣穿

時刻杼機豈是無巧

妙絲斷將何施眾人上肥華志士多饑羸願君保

此節

元刻願保此貞節

天意當察微前日遠別離今日生

白髮欲知萬里情曉臥半牀月常恐百蟲秋使我

芳艸歌

戲贈無本

無元刻元

長安秋聲乾木葉相號悲瘦僧臥冰凌嘲詠含金

痰金痰非戰痕峭病方在茲詩骨聳東野詩濤湧

退之有時踉蹌行人驚鶴阿師可惜李杜死不見

此狂癡

又

燕僧聳聽詞袈裟喜新翻北岳厭利殺玄功生微

言天高亦可飛海廣亦可源文章杳無底斲掘誰

能根夢靈髣髴到對我方與論拾月鯨口邊何人

免為吞燕僧擺造化萬有隨手犇補綴雜霞衣笑

傲諸貴門將明文在身亦爾

時刻示

道所存朔雪凝

別句朔風飄征魂再期嵩少遊一訪蓬蘿村春艸

步步綠春山日日喧

元刻暄

遙鶯相應吟晚聽恐不

繁相思塞心胸高逸難攀援

孟東野集卷第六

孟東野集目錄

卷第七

懷寄

寄張籍 憶周秀才素上人時聞各在一方

舟中喜遇從叔簡別後寄上時從叔初擢

第歸江南郊不從行 懷南岳隱士二首 春

夜憶蕭子真 寄院中諸公 寄洛州李大

夫 寄盧虔使君 寄崔純亮 汴州離亂

後憶韓愈李翱 寄張籍 寄義興小女子

憶江南弟 宿空姪院寄澹公 寄陝府
鄧給事 送諫議十六叔至孝義渡後奉寄
至孝義渡寄鄭軍事唐二十五

酬答

答友人 酬友人見寄新文 答韓愈李觀
別因獻張徐州 答晝上人止讒作 答姚
怱見寄 答郭郎中 答盧虔故園見寄
汝墳蒙從弟楚材見贈時郊將入秦楚材適
楚 同從叔簡酬盧殷少府 酬李侍御書

記秋夕雨中病假見寄 答盧仝 奉報翰
林張舍人見遺之詩

送別

送從弟郢東歸 山中送從叔簡赴舉 送
別崔寅亮下第 大梁送柳淳先入關 送
無懷道士遊富春山水 送溫初下第 送
盧虔端公守復州 送任齊二秀才自洞庭
遊宣城 并序 送曉公歸庭山 送豆盧策歸
別墅 送清遠上人歸楚山舊寺 山中送

從叔簡送蕭鍊師入四明山

蕭鍊師入四明山

蕭鍊師入四明山

蕭鍊師入四明山

蕭鍊師入四明山

蕭鍊師入四明山

蕭鍊師入四明山

蕭鍊師入四明山

孟東野集目錄

卷終

卷七

寄張籍

懷寄

孟東野集卷第七

懷寄

寄張籍

夜鏡不照物朝光何時昇黯然秋思來

元刻暗然愁氣來

走入志士膺志士惜時逝一宵三四興清漢徒自

朗濁河終無澄舊愛忽已遠新愁坐相凌君其隱

壯懷我亦逃名稱古人貴從晦君子忌黨朋傾敗

生所競保全歸情情

時刻苦情

浮雲何當來潛虬會飛

騰

憶周秀才素上人時聞各在一方

東西分我情魂夢安能定野客雲作心高僧月爲
性浮雲自高閒明月常空淨衣敝得古風居山無
俗病吟聽碧雲語手把青松柄羨爾欲寄書飛禽
杳難倩

舟中喜遇從叔簡別後寄上時從叔初擢第

歸江南郊不從行

擢第時
刻待從

一意兩片雲暫合還却分南雲乘慶歸北雲與誰
羣寄聲千里風相喚聞不聞

懷南岳隱士

見說祝融峯擎天勢似騰藏千尋布水出十八高
僧古路無人跡新霞吐石稜終居將爾叟一一笑
余登

又

千峯映碧湘真叟此中藏飯不煮石喫眉應似髮
長楓裡楮酒甕鶴蟲落琴牀強效忘機者斯人尙
未忘

春夜憶蕭子真

東里
二
半夜不成寐燈盡又無月獨向堦前立子規啼不
歇況我有金蘭忽爾爲胡越爭得明鏡中久長無
白髮

寄院中諸公

奕奕秋水傍駸駸綠雲蹄月仙有高曜靈鳳無卑
棲翠色遶雲谷碧華凝月溪竹林遞歷覽雲寺行
攀躋冠豸猶屈蠖匣龍期剗犀千山驚月曉百里
聞霜輦戍元刻府多秀異謝公期相攜因之仰羣
彥養拙固難齊

寄洛州李大夫

自從薊師反中國事紛紛儒道一失所賢人多在
軍鳥巢憂迸射鹿耳駭驚聞劔折唯恐時刻匣弓
貪不讓勲方知省事將動必謝前群鶴陣常先罷
魚符最晚分步閒洛水曲笑激太行雲詩叟未相
識竹兒爭見君殷勤越時刻談說記盡古風元刻
文

寄盧虔使君

霜露再相宋刻換遊人猶未歸歲新月改色客久

東野
三
線斷衣有鶴冰在翅竟久力難飛千家舊素沼昨日生綠輝春色若不借宋刻可爲君步芳菲

寄崔純亮

百川有餘水大海無滿波器量各相懸賢愚不同科羣辯有姿語衆歡無元刻有行歌唯餘洛陽子鬱鬱恨常多時讀過秦篇爲君涕滂沱

汴州離亂後憶韓愈李翱

會合一時哭別離三斷腸殘花不待風春盡各飛揚歡去收不得悲來難自防孤門清館夜獨臥明

月牀忠直血白刃道路聲蒼黃食恩三千字一旦爲豺狼海島士皆直夷門士非良人心旣不類天

道亦

時刻久

反常自殺與彼

元刻被

殺未知何者臧

寄張籍

未見天子面不如雙盲人賈生對文帝終日猶悲辛夫子亦如盲所以空泣麟有時獨齋心髣髴夢稱臣夢中稱臣言覺後真埃塵東京有眼富不如西京無眼貧西京無眼猶有耳隔牆時聞天子車

時刻有聲之二字

麟麟麟車聲輾冰玉南郊壇上禮百

神西明寺後寤瞎張太祝縱爾有眼誰爾珍天子
咫尺不得見不如閉眼且養真

寄義興小女子

江南莊宅淺所固唯疎籬小女未解行酒弟

元刻
病叔

老更癡家中多吳語教爾遙可知山怪夜動門水
妖時弄池所憂癡酒腸不解委曲辭漁妾性崛強
耕童手皴釐想茲爲襁褓如鳥拾柴枝我詠元魯
山胸臆流甘滋終當學自乳起坐常相隨

憶江南弟

白首眼垂血望爾唯夢中筋力強起時魂魄猶在
東眼光寄明星起來東望空望空不見人江海波
無窮衰老無氣力呼叫不成風子然憶憶言落地
何由通常師其被教竟作生離翁生離不可訴上
天何曾聰未忍對松栢自鞭殘朽躬自鞭亦何益
知時刻教非所崇努力拄杖來餘活與爾同不然
死後恥遺死亦有終

宿空姪院寄澹公

夜坐冷竹聲二三高人語燈窗看律鈔小師別爲

東野 五
侶雪簷晴滴滴茗椀華舉舉元刻乳磬音多風颺

聲韻聞江楚官街不相隔詩思空愁予明日策杖

歸去住兩延佇

寄陝府鄧元刻給事寶

陝城臨大道館宇屹幾鮮候謁隨芳元刻語鏗詞

芬蜀牋從來鏡目下見盡道心前自謂古詩量異

時刻將新學偏慙人年六十每月請三千不敢等

閒用願為長壽錢非關亦潔爾將以救羸然孤省

癡皎皎默吟寫綿綿病書憑晝日時刻驛信寄宵

鞭疾訴將何諭肆鱗今倒懸塵鯉見枯浪土鬣思

乾泉感感無緒蕩愁愁作邊貞元文祭酒即陽

比謹學韋玄滿坐風無雜當朝雅獨全見知囑徐

鴆即徐賞句類陶淵一顧生鴻羽再言將鶴翩宣

揚隘車馬君子湊駢闐曾是此同睠至今應賜憐

磨墨零落淚楷字貢仁賢

送諫議十六叔至孝義渡後奉寄

曉渡明鏡中霞衣相飄颻浪鳧驚亦雙蓬客將誰

僚別飲孤易醒離憂壯難銷文清雖無敵儒貴不

敢驕江吏捧紫泥海旗剪紅蕉分明太守禮跨躡
毗陵橋伊洛去未迴遐矚空寂寥

至孝義渡寄鄭軍事唐二十五首

咫尺不得見心中空嗟嗟官街泥水淡下脚道路
斜嵩少玉峻峻伊雒碧華華岸亭當四迴詩老獨
一家洵叟何所如鄭石唯有些何當來說事爲君
開流霞

酬答

答友人

白日照清水淺淡無隱姿君子業高文懷抱多正
息砥行碧山石結交青松枝碧山無轉易青松難
傾移落落出俗韻琅琅大雅詞自非隋氏掌明月
安能持千里不可倒一返元刻無返期如何元刻同
非意中良覲忽在茲道語必疎淡儒風易凌遲願
存堅貞節勿謂霜霰欺

酬友人見寄新文

爲客棲未定況當玄月中繁雲翳碧霄落雪和清
風郊陌絕行人原濕多飛蓬耕牛返村巷野鳥依

東野
疏塵蒙覽君郢曲文詞彩何冲融謳吟不能已頓
覺形神空入只齊陶文

答韓愈李觀別因獻張徐州

富別愁在顏貧別愁銷骨懶磨舊銅鏡畏見新白
髮古樹春無花子規啼有血離弦不堪聽一聽四
五絕世途非一險俗慮有時刻各千結有客步大方
驅車獨迷轍故人韓與李逸翰雙皎潔哀我摧折
歸贈詞縱橫設徐方國東樞元刻號在元戎天下傑禰

生投刺遊王粲吟詩謁高情無遺照朗抱開曉月
有土不埋冤有讐皆為雪願為直草木永向君地
列願為古琴瑟永向君聽發欲識丈夫心曾將孤
劍說元刻號在

答畫上人止讒作

烈烈鸞鷲吟鏗鏗琅玕音梟摧明月嘯鶴起清風
心渭水不可渾涇流徒相侵俗侶唱桃葉隱仙時刻
士鳴桂琴子野真遺却浮淺藏淵淡

答姚怱見寄

日月不同光晝夜各有宜賢哲不苟合出處亦待
時而我獨迷見意求異士知如將舞鶴管誤向驚
鳧吹大雅難具陳正聲易漂淪君有丈夫淚泣人
不泣身行吟楚山玉時刻義淚沾衣巾

答郭郎中

松栢死不變千年色青青志士貧更堅守道無異
營每彈瀟湘瑟獨抱風波聲中有失意吟知者淚
滿纓何以報知者永存堅與貞草木亦向故城
生外答盧虔故園見寄

訪舊無一人獨歸清雒春花聞哭聲死水見別容
新亂後故鄉宅多為行路塵因悲楚左右詢玉不
知珉

汝墳蒙從弟楚材見贈時郊將入秦楚材適
楚

朝為主人元刻心夕作莫為行客吟汝水忽淒咽汝風

流苦音北闕秦門高南路時刻楚石溪元刻北闕
時時遠南

山路分淚灑白日離腸繞青岑何以寄遠懷宋刻
我書

黃鶴能相尋

同從叔簡酬盧殷少府

梅尉吟楚聲竹風爲淒清
淡虛冰在性高潔雲入
情借水洗閒貌寄蕉書逸名羞將片石文鬪此雙
瓊英

酬李侍御書記秋夕雨中病假見寄

秋風遶衰柳遠客聞雨聲
重茲阻良夕孤坐唯積
誠果枉移疾詠中含嘉慮
明洗滌煩濁盡視聽昭
曠生未覺衾枕倦久爲章
奏嬰達人不寶元刻藥保
所保在閒情

答盧仝

楚屈入水死詩孟踏雪僵
直氣苟有存死亦何所
妨日劈高查牙清稜含冰
漿前古後古冰與山氣
勢強閃怪千石形異狀安
可量有時春鏡破百道
聲飛揚潛仙不足言朗客
無異腸爲君傾海宇日
夕多文章天下豈無緣此
山雪昂藏煩君前致詞
哀我老更狂狂歌不及狂
歌聲緣鳳皇鳳今何當
來消我孤直瘡君文真鳳
聲宣隘滿鏗鏘洛友零
落盡逮茲悲重傷獨自奮
異骨將騎白元刻玉角翔

再三勸莫行寒氣有刀槍仰慙君子多慎勿作芬

芳此亦奉報翰林張舍人見遺之詩鳳皇令可當

百蟲笑秋律清削月夜聞曉稜視聽微風翦葉已

紛君子鑒大雅老人非俊羣收拾古所棄俛仰補

空文孤韻恥春俗餘響逸零霧自然蹈終南滌暑

凌寒氛巖霰不知午礪漸鎮舍曛曾是醒古時刻

醉所以多隱淪江調樂之遠溪謠生徒新衆蘊有

餘采寒泉空哀呻南謝竟莫至北宋當時珍曠時刻

願靈各自異酌酒元刻聖誰能均昔詠多寫諷今

詞詎無因品松何高翠宮殿沒荒榛元刻品松位

荒榛何高翠識宏製沙溲游崩津忽吟陶淵明此即羲

皇人心放出天地形拘在風塵前賢素行階風嗜

青山勤達士立明鏡朗言為近臣將期律萬有頃

倒甄無垠鸞鷲應蟋蟀絲毫意皆申況於三千章

哀叩不為神

送別

送從弟郢東歸

送從弟郢東歸

爾去東南夜我無西北夢誰言貧別易貧別愁更重曉色奪明月征人逐羣動秋風楚濤高旅榜將誰共

山中送從叔簡赴舉

石根百尺杉山根一片泉倚

時刻

之道氣高飲之

詩思鮮於此逍遙場忽奏別離絃却笑薜蘿子不

同鳴躍年

送別崔寅亮下第

天地唯一氣用之自偏頗憂人成苦吟達士為高

歌君子識不淺桂枝憂更多歲晏朝攀折肯歸且

婆娑素質如削

元刻

玉清詞若傾

時刻

河虬龍未

化時魚鱉同一波去矣當自適故鄉饒薜蘿

鄉元刻山

大梁送柳淳先入關

青山輾為塵白日無閑人自古推高車爭利西入

秦王門與侯門待富不待貧空攜一束書去去誰

相親

時刻空賈一束書獨去將誰親

送無懷道士遊富春山水

時刻送別吳逸士歸山

造化絕

時刻見

高處富春獨多觀山濃翠滴灑

時刻的礫

水折珠摧殘溪鏡不隱髮樹衣長遇元刻寒風猿

虛空飛月狔叫嘯酸信此神仙路元刻豈為時俗

安煮金陰陽火時刻芙蓉水或囚怪星宿壇花發我時刻

未識玉生忽藜攢蓬萊浮蕩漾非道相從難

送温初下第

日落濁水中夜光誰能分高懷無近趣清抱多遠

聞欲識丈夫志心藏孤岳雲長安風塵別咫尺不

見君

送盧虔端公守復州

師曠聽群木自然識孤桐正聲逢知音願出大朴

中知音不韻俗獨立占元刻古風忽挂觸邪冠逮

逐南飛鴻肅肅太守章明明華轂熊商山無平路

楚水有驚深日月千里外光陰難載同新愁徒自

積良會何由通

送任齊二秀才自洞庭遊宣城任載齊古并序

文章者賢人之心氣也心氣樂則文章正

心氣非則文章不正當正而不正者心氣

之偽也賢與偽見於文章一直之詞衰代

多禍賢無曲詞文章之曲直不由於心氣
 心氣之悲樂亦不由賢人由於時故今宣
 州多君子閑暇而寬文章之曲直纖微悉
 而備舉洞庭二客勉而客去之鼓其風波
 蘇軾會之詞吾知夫樂莫是行也遂為詩曰

洞庭非人境道路行虛空二客月中下一帆天外
 風魚龍波五色金碧樹千叢閃怪如可懼在誠無
 不通扣竒知元刻浩淼采異訪穹崇物表即高韻
 人間訪仙公宣城文雅地謝守聲聞融證玉易為

力辨珉誰元刻不同從茲阮藉淚且免泣途窮

送曉公歸庭山時刻歸

庭山時刻何崎嶇寺路緣翠微秋霽山盡出日落

人獨歸雲生高高步泉灑田田衣枯巢無還羽新
 木有爭飛茲焉不可繼夢寐空清輝

送豆盧策歸別墅

短松鶴不巢高石雲不時刻栖君今時刻瀟湘去

意時刻與雲鶴齊力買竒險地手開清淺溪身披

薜荔衣時刻山陟莓苔梯一卷冰雪文避俗常

自攜

送清遠上人歸楚山舊寺

元刻國清上人游蘇

波中出吳境霞際登楚岑山寺一別來雲

元刻風蘿

三改陰詩誇碧雲句道證青蓮心應笑泛萍者

時刻

應憐萍泛者

不知松隱淡

山中送從叔簡

莫以手中瓊言邀世上名莫以山中迹久向人間

行松栢有霜操風泉無俗聲應憐枯朽質驚此別

離情

送蕭鍊師入四明山

閒於獨鶴心大於高松年迥出萬人表高棲四明

巔千尋直裂峯百尺倒瀉泉絳雪為我飯白雲為

我田靜言不語

時刻語

俗靈蹤時步天

孟東野集卷第七

孟東野集目錄
卷第八

送別

感別送從叔校書簡再登科東歸 送玄亮

師 送李尊師玄 同晝上人送郭秀才江

南尋兄弟 春日同韋郎中使君送鄒儒立

少府扶侍赴雲陽 送從叔校書簡南歸

送韓愈從軍 同弟郎中使君送河南裴文

學 送李翱習之 送丹霞子阮芳顏上人

歸山 送從舅端適楚地 送盧汀侍御歸
天德幕 送草書獻上人歸廬山 和薛先
輩送獨孤秀才上都赴嘉會得青字 送崔
爽之湖南 送超上人歸天台 同李益崔
放送王鍊師還樓觀兼爲羣公先營山居
張徐州席送岑秀才 送黃構擢第後歸江
南 送道士 送孟寂赴舉 同溧陽宰送
孫秀才 溧陽唐興寺觀薔薇花同諸公餞
陳明府 送柳淳 送殷秀才南遊 送青

陽上人遊越 奉同朝賢送新羅使 留弟
郢不得送之江南 送陸暢歸湖州因憑題
故人皎然塔陸羽墳 送淡公 十二首 送魏
端公入朝 送盧郎中汀 送鄭僕射出節
山南 別妻家 贈姚怱別 贈竟陵盧使
君處別 與韓愈李翱張籍話別 監察十
五叔東齋招李益端公會別 汴州別韓愈
贈別殷山人說易後歸幽墅 壽安西渡
奉別鄭相公 二首

孟東野集目錄卷八

終卷八

孟東野集卷第八

送別

感別送從叔授書簡再登科東歸

長安宋刻車馬道高槐時刻結浮陰下有名利人

一人千萬心黃鶴時刻多遠勢元刻黃鶴滄溟無

近濤怡怡靜退姿泠泠息歸吟菱唱忽生聽芸書
迴望淡清風散言笑餘花綴衣襟獨恨魚鳥別一

飛將一沉

送玄亮師

蘭泉滌我襟杉月棲我心茗啜時刻綠淨花經誦
清柔音何處笑爲別淡情愁不侵

送李尊時刻師玄

口誦碧簡文身是青霞君頭冠兩片月肩時刻披
一條雲松骨輕自飛鶴心高不羣

同畫上人送郭元刻秀才江南尋兄弟

地元刻上春色生眼前詩彩明手攜片寶月言是

高僧名溪轉萬曲心元刻水流千里聲飛鳴向誰

去江鴻弟與兄

春日同韋郎中使君送鄒儒立少府扶侍赴

雲陽

離思着百艸緜緜生無窮側聞畿甸秀三振詞策

雄太守不韻俗諸生皆變風郡齋敞西清楚瑟驚

南鴻海畔帝時刻城望雲陽天色中酒酣正芳景

詩綴新碧叢服綵老萊並侍車江革同過隋柳顛

顛入洛花蒙籠高步詎留足前程在層空獨慙病

鶴羽飛送力難崇

送從叔校書簡南歸時刻東游

長安別離道宛在東城隅寒艸根未死愁人心已
枯促促水上景遙遙天際途生隨昏曉中皆被日
月驅北騎達時刻山岳南帆指江湖高蹤一超越
千里在時刻須臾盡

送韓愈從軍

志士感恩起變衣非變性親賓改舊觀僮僕生新
敬坐作羣書吟行爲孤劍詠始知出處心不失平
生正淒淒天地秋凜凜軍馬令驛塵時一飛物色
極四靜王師旣不戰廟畧在無競王祭有所依元

瑜初應命一章喻檄明百萬心氣定今朝旗

時刻

鼓前笑別丈

元刻

夫盛

同弟

元刻

郎中使君送河南裴文學

河南有歸客江風繞行襟送君無塵聽舞鶴清瑟
音菱蔓綴楚棹日華正嵩岑如何謝文學還起會

雲

時刻

吟

送李翱習之

習之勢翩翩東南去遙遙贈

時刻

君雙履足一爲

上臯橋臯橋路透迤碧水清風飄新秋折藕花應

對吳語嬌千巷分淥波四門生早潮湖榜輕裊裊
酒旗高寥寥小時屐齒痕有處應未銷舊憶如霧
星恍見於夢消言之燒人心事去不可招獨孤宅
前曲筇筴醉中謠壯年俱悠悠逮茲各焦焦執手
復執手唯道無枯凋

送丹霞子阮芳顏上人歸山

松色不肖秋玉性不可柔登山須正路飲水須直
流倩鶴附書信索雲作衣裳仙村莫道遠枉時刻
策招交游

送從舅端適楚地

歸情似泛空飄蕩楚波中羽扇掃輕汗布帆篩細
風江花折菡萏岸影泊梧桐元舅唱離別賤生愁
不窮

送盧汀侍御歸天德幕

仲宣領騎射結束皆少年匹馬黃河岸射鵬清霜
天旌旗防日北道路上雲巔古雪無銷鑠新冰有
堆填清溪徒聳誚白壁自招賢豈比重恩者閉門
方獨全

送草書獻上人歸廬山

狂僧不為酒狂筆自通天將書雲霞時刻片直至

清明巔手中飛黑電象外瀉玄泉萬物隨指顧三

光為迴旋聚元刻書雲灑霽洗硯山晴鮮忽怒畫

地虺噴然生風煙江人願停筆驚浪恐傾船

和薛先輩送獨孤秀才上都赴嘉會得青

秦雲攀窈窕楚桂塞芳馨五色豈徒爾萬枝皆有

靈仙謠天上貴林詠雪中青持此一為贈送君翔

杳冥

送崔爽之湖南

江與湖相通二水洗高空定知一日帆使得元刻

千里風雪唱與誰和俗情多不通何當逸翮縱時刻

逸鶴飛起泥沙中

送超上人歸天台

天台最高動躡赤元刻城霞何以靜雙目掃山

除妄花何以潔其性元刻瀘泉去泥沙靈境物

皆直萬松無一斜月中見心近時刻雲外將世賒

山獸護方丈山猿捧袈裟遺身獨得身笑我牽名

華烟對丈山家
同李益崔放送王鍊師還樓觀兼為羣公先

別家營山居

十元刻年白雲士一卷紫芝書來結崆峒侶還期

縹緲居霞冠遺彩翠月時刻帔上空虛寄謝泉根

水清冷閒有餘中

張徐州席送岑秀才

振振芝蘭步昇自君子堂泠泠松桂吟生自楚客
腸驕鳥無定棲驚逢在他鄉去茲門館閒即彼道

路長雨餘山川淨麥熟草木涼楚淚滴章句京塵

染時刻衣裳贈君無餘它久要不可忘

當官送黃構擢第後歸江南

澹澹滄海氣結成黃香才幼齡思奮飛弱冠遊靈
臺一鶚顧喬木衆禽不敢猜一驥騁長衢衆獸不
敢陪遂得會風雨感通如雲雷至矣小宗伯確乎
心不回能令幽靜人聲實喧九垓却憶江南道祖
筵花裏開春風不能別別罷空徘徊

送道士

千年山上行山上無遺蹤一日人間游六合人皆
逢自有意中侶白寒徒相從

心不送孟寂赴舉

烈士不憂身為君吟苦辛男兒久失意寶劍亦生
塵浮俗官是貴君子道所珍況是聖明主豈乏證
玉臣濁水無白日清流鑿蒼旻賢愚皎然別結交
當有因

同溧陽宰送孫秀才

廢瑟難為絃南風難為歌幽幽拙疾中忽忽浮夢

多清韻始嘯侶雅言相與和訟閒每往招祖送奈
若何牽苦強為贈邦邑光峩峩

溧陽唐興寺觀薔薇花同諸公餞陳明府

忽驚紅琉璃千艷萬艷開佛火不燒物淨香空徘徊
花下印文字林間詠觴杯羣官餞宰官此地車
馬來

送柳淳

青山臨黃河下有長安道世上名利人相逢不知
老

送殷秀才南遊

詩句臨元刻離袂洒花薰別顏水程千里外岸泊

幾宵閒風葉亂辭木雪猿清叫山南中多元刻高古

事詠遍始應還

秋風吹白髮微官自蕭索江僧何用歎溪縣饒寂

寞楚息物皆清越山勝非薄時看鏡中月獨向衣

土落多謝入冥鴻笑予在籠鶴

奉同朝賢送新羅使

森森望遠國一萍秋海中恩傳日月外夢在波濤

東浪興豁胸臆泛舟程虛空既茲吟仗信亦以難

私躬實怪賞不足異解悅多叢安危所繫重征役

誰能窮彼俗媚文史聖朝富才雄送行數百首各

以鏗竒工冗隸竊抽韻孤屬思將同

留第郢不得送之江南

剛有下水船白日留不得老人獨自歸苦淚滿眼

黑

送陸暢歸湖州因憑題

故人皎然塔陸

羽墳

渺渺雲寺前白蘋多清風昔游詩會滿今游詩會
同孤吟玉淒惻遠思景蒙籠杼山塼塔禪竟陵廣
時刻宵翁饒彼草木聲髣髴聞餘聰因君寄數句
擴遍為書其藁追吟當時說來者實不窮江調難再
得京塵徒滿躬送君溪鴛鴦彩色雙飛東東多高
靜鄉芳宅冬亦崇手自擷甘旨僕養歡沖融待我
遂前心收拾使有終不然洛岸亭歸死為大同

送淡公

燕本冰雪骨

元刻

越淡蓮花風五言雙寶刀聯響

高飛鴻翰苑錢舍人詩韻鏗雷公識本未

時刻識

淡仰詠嗟無窮清恨生物表朗玉傾夢中常於冷

竹坐相

宋刻

語道意冲嵩洛興不薄稽江事難同

明年若不來我作黃蒿翁何以兀其心為君學虛

空

又

坐愛青草上意含滄海濱渺渺獨見水悠悠不問
人鏡浪洗手綠剡花入心春雖然防外觸無奈饒

衣新行當譯文字慰此吟殷勤

又

銅斗飲江酒手拍銅斗歌儂是拍元刻浪兒飲則

拜浪婆脚踏小船頭獨速舞時刻短簑笑依宋刻

漁陽操空恃文章多閒倚青竹竿白日奈我何

又

短簑不怕雨白鷺相爭飛短楫畫菰蒲鬪作豪橫

歸笑伊水健兒浪戰求光輝不如竹枝弓射鴨無

是非

又

射鴨復射鴨鴨驚菰蒲頭鴛鴦亦零落彩色難相

求儂是清浪兒每踏清浪游笑伊鄉貢郎踏土稱

風流如何卍角翁至死不裹頭

又

師得天文章所以相知懷數年伊雛同一旦江湖

乖江湖有故莊小女啼嗒嗒我憂未相識乳養難

和諧幸以片佛衣誘之令看齋中坐百福言催促

西歸來

東野

卷之八

及古

西園又

伊洛氣味薄江湖文章多坐緣江湖岸意識

元刻

鮮明波銅斗短簷行新章其奈何茲焉激切句非
是等閒歌製時刻之附驛迴勿使餘風訛都城第

一寺昭成屹嵯峨為師書廣壁仰詠時經過徘徊

相思心老淚雙滂沱

又

江南寺中邑

元刻寺邑古

平地生勝山開元吳語僧律

韻高且閒妙藥溪岸平桂榜復往

元刻

還樹石相

鬪生紅綠各異顏風味我遙憶新奇師獨攀

又

報恩兼報德寺與山爭鮮

元刻

橙橘金蓋檻竹蕉

綠凝禪經章音韻細風磬清冷翩離腸繞師足舊

憶隨路延不知幾千尺至死方綿綿

又

鄉在越鏡中分明見歸心鏡芳步步綠鏡水日日

淡異剎碧天上古香清桂岑朗約徒在昔章句忽

盈今幸因西飛葉書作東風吟落我病枕上慰此

浮恨侵

又

牽師袈裟別師斷袈裟歸問師何苦去感吃言語
稀意恐被詩餓欲住將底依盧殷劉言史餓死君
已噫不忍見別君哭君他是非

又

詩人苦為詩不如脫空飛一生空鳴氣非諫復非
譏脫枯挂寒枝棄如一唾微一步一步乞半片半
片衣倚詩為活計從古多無肥詩飢老不怨勞師

淚霏霏

送魏端公入朝

東洛尚淹翫西京足芳研

元刻妍

大賓威儀肅上客

冠劔鮮豈惟空戀闕亦以將朝天局促塵末吏幽
老病中絃徒懷青雲價忽至白髮年何當補風教
為薦三百篇

送盧郎中汀

洛水春渡濶別離心悠悠一生空吟詩不覺成白
頭向事每計較與山實綢繆太華天上開其下車

東野 十二
轍流縣街無塵土過客多淹留坐飲孤驛酒行息
獨山遊逸關嵐氣明照渭空漪浮玉珂擺新歡聲
與鸞鳳儔朝謁大家事唯余去無由

送鄭僕射出節山南

元刻酬鄭興
元僕射招

國老出爲將紅旗入青山再招門下生結束餘病
孱自笑騎馬醜強從驅馳間顧顧時刻磨天路裏
裏鏡下顏文魄旣飛越宦情唯等閒美他白面少
多是清朝班惜命非所報慎行誠獨艱悠悠去住
心兩說何能刪

別妻家

芙蓉溼曉露秋別南浦中鴛鴦卷

宋刻卷
時刻有

新贈遙

戀東牀空碧水不息浪清溪易生風參差坐

元刻
路

成阻飄颻去

元刻
恨

無窮孤雲日雖斷明月心相通

私情詎銷鑠積芳在春藁

贈姚怱別

美人廢琴瑟不是無巧彈聞君郢中唱始覺知音
難驚蓬無還根馳水多分瀾倦客厭出門疲馬思
解鞍何以寫此心贈君握中丹

贈竟陵盧使君虔別

赤日千里火火中行子心孰不苦焦灼所行為貧

侵山木豈無涼猛獸蹲清陰歸人憶元刻平坦別

路多嶮嶽賴得竟陵守時聞建安吟贈別折楚芳

楚芳宋刻搖衣襟

與韓愈李翱張籍話別

朱絃奏離別華燈少光輝物色豈知元刻異人心

故將違客程殊未已歲華忽然元刻微秋桐故葉

下寒露新鴈飛遠遊起重恨送人念先歸夜集類

飢宋刻鳥晨光失相依馬跡遶川水鴈書還時刻

守閨闈常恐親朋阻獨行知慮非

監察十五叔東齋招李益端公會別

欲知惜別離瀉水還清池此地有君子芳蘭步歲

蕤手掇元刻雜英元刻珮意搖春夜元刻思莫作

遶山雲循環無定期

汴州別韓愈

不飲濁水瀾空滯此汴河坐見遶岸水時刻盡為

還海波四時不在家弊服斷線多遠客獨顛顛春

英落元刻各婆娑汴水饒曲流野桑無直柯但爲君

子心歎息元刻飲之終靡他

贈別殷山人說易後歸幽墅

夫子說天地若與靈龜言幽幽人不知一一予所
敦秋月吐白夜涼風韻清源旁通忽已遠神感寂
不喧一悟祛萬結夕懷傾朝煩旅輶無停波別馬
嘶去轅殷勤荒草士會有知己論

壽安西渡奉別鄭相公

洛河向西道石波橫磷磷清風送君子車遠無還

塵春別亦蕭索況茲冰霜晨零落景易入鬱抑抱

難申百宵華燈宴一旦星散人歲去絃吐箭憂來

蠶抽綸綿綿無窮事各各馳遶身徘徊黃時刻送縹

緲倏忽春霜賓相爲物表物永謝區中姻日嗟來

教士仰望無由親

又

東都清風減君子西歸朝獨抱歲晏恨泗吟不成

謠貴遊意多味賤別情易消迴鴈憶前叫浪鳧念

後漂時刻飄悠悠孤飛景聳聳御霜條味趣多滯澀

東野
和令狐侍郎郭郎中題項羽廟 讀張碧集

聽琴 聞夜啼贈劉正元 喜雨 終南

山下作 觀種樹 春後雨 答友人贈炭

爛柯石 尋言上人 噴玉布 姑蔑城

崢嶸嶺 尋裴處士 子慶詩 憩淮上

觀公法堂 江邑春霖奉贈陳侍御 溧陽

秋霽 列仙文 右方諸青童君 清虛真

人 金母飛空歌安度明 夏日謁智遠禪

師 訪嵩陽道士不遇 聽藍溪僧為元居

士說維摩經 借車 喜符郎詩有天縱

憑周況先輩於朝賢乞茶 上昭成閣不得

於從姪僧悟空院歎嗟 魏博田興尚書聽

嬖命不立非夫人詩 讀經 謝李輶再到

忽不貧喜盧仝書船歸洛

孟東野集目錄

卷九終

昔車一喜甘淚精有天孫

懸問或衣輩飲醉覆心木 土部或問不料

飲於我前醉空笑輝雲 野村出與尚書

歎命不立非夫人荷 黃齋

忽不負喜盡全書

孟東野集卷第九

詠物

宇文秀才齋中海柳詠

玉縷青歲蕤結為芳樹姿忽驚明月鈎鈎出珊瑚

枝灼灼不死花蒙蒙長生絲飲栢况元刻仙味詠

蘭擬元刻古詞霜風清颼颼與君長相息

搖柳時刻

采柳

弱弱本易驚看看勢難定因風似醉舞盡日不能
正時邀詠花女笑輟春粧鏡

曉鶴

曉鶴彈古舌婆羅門叫音應吹天上律不使塵中
尋虛空夢皆斷歆啼安能禁如開孤月口似說明
星心既非人間韻枉作人間禽不如相將去碧落
窠巢淡

和薔薇花歌

仙機札札

元刻
軋軋

織鳳凰花開七十有二行天霞落

地攢紅光風枝嫋嫋時一颺飛散葩馥遶空王忽
驚錦浪洗新色又似宮娃逞粧飾終當一使移花

時刻
老

根還比蒲桃天上植

邀人賞薔薇

蜀色庶可比楚叢亦應無醉紅不自力狂豔如索
扶麗藥惜未掃宛枝長更紆何人是花侯詩老強
相呼

和宣州錢判官使院廳前石楠樹

大朴既一剖衆材爭萬殊懿茲南海華來與北壤
俱生長如自惜雪霜無凋渝籠籠抱靈秀簇簇抽
芳膚寒日吐再艷頰子流細珠鴛鴦花數重翡翠

葉四鋪雨洗新粧色一枝如一姝聳異敷庭際傾

妍來坐隅散彩飾机按餘輝盈盤孟高意時刻因

自造化常情逐榮枯主公方寸中陶植在須臾

養此奉君子賞觀日為娛始覺石楠詠價傾賦兩

都棠頌庶可比桂詞難以踰因謝丘墟木空采元

操落泥塗時來開佳姿道去臥枯株爭芳無由緣

受氣如鬱紆抽肝在郢匠歎息何踟躕

酬鄭毗躑躅詠

不似人手致豈關地勢偏孤光裹餘翠獨影舞多

妍迸火燒閒地紅星墮青天忽驚物表物嘉客為

留連

品松

追悲謝靈運不得殊常封縱然孔與顏亦莫及此

松此松天格高聳異千萬重抓拏巨靈手擘裂少

室峯擘裂風雨獰抓拏指爪脯道入難抱心學生

易墮蹤時時數點仙嫋嫋一線龍霏微嵐浪際遊

戲顥興濃品松徒高高雌鳴時刻詎噓噓賞異尙

可貴賞潛誰能容名華非典實翦棄徒纖茸刻削

大雅文所以不敢慵

答李員外小榼味

一拳芙蓉水傾玉何泠泠
仙清風已高詩味今更
馨試啜月入骨再銜愁
盡醒荷君道古誠使我善

飛

元刻
振翎

井上枸杞架

淡鎖銀泉甃高葉架雲空
不與凡木竝自將仙蓋
同影疎千點月聲細萬條
風迸子鄰溝外飄香客
位中花杯承此飲椿歲小
無窮

蜘蛛諷

萬類皆有性各各稟天和
蠶身與汝身汝身何太
訛蠶身不爲已汝身不爲
它蠶絲爲衣裳汝絲爲
網羅濟物幾無功害物日
已多百蟲雖切恨其將
奈爾何

蚊

五月中夜息飢蚊尚營營
但將膏血求豈覺性命
輕顧已寧自愧飲人以
偷生願爲天下慚一使
夜景清

燭蛾

燈前雙舞蛾厭生何太切想爾飛來心惡明不惡
滅天若百尺高應去掩明月

和錢侍郎甘露

玄天何以言瑞露青松繁忽見垂書跡還驚涌澧
源春枝晨嫋嫋香味曉翻翻子禮忽來獻臣心固
易敦清風惜不動薄霧肯蒙昏嘉晝色更晶仁慈
久乃存一方難獨占天下恐爭論側聽飛中使重

榮華

元刻萃

德門從公樂萬壽餘慶及兒孫

雜題

和令狐侍郎郭郎中題項羽廟

碧艸凌古廟清塵鎖秋窗當時獨宰割猛志誰能
降鼓氣雷作敵劍光電為雙新悲徒自起舊恨

時刻

懷舊

空浮江

讀張碧集

天寶太白歿六義已消歇大哉國風本喪而王澤
竭先生今復生斯文信難缺下筆證興亡陳詞備
風骨高秋數奏琴澄潭一輪月誰作采詩官忍之

元刻 不揮發 奏琴 藝戰 一 鱗 且 藉 升 采 荷 宮 忍 之

聽琴 真 士 洪 文 詩 蟻 始 下 半 筋 與 古 刺 隨 靜

颼颼微雨收 翻翻橡元刻 葉鳴月沉亂 峯西寥落

三四星前溪 忽調琴 隔林寒 琤琤聞彈 正弄聲不

敢枕上聽 迴燭整頭簪 漱泉立中庭 定步履元刻

齒淡貌 禪目冥冥 微風吹衣襟 亦認宮徵聲 學道

三十年 未免憂死生 聞彈一夜中 會盡天地情

聞夜啼 贈劉正元 寄泣須寄黃河泉 此中怨聲流徹時刻 天愁人獨

有夜燈 見一紙鄉書 淚滴穿

喜雨 朝見一片雲 莫成千里雨 淒清溼高枝 散漫沾荒

土 終南山下作 見此原野秀 始知造化偏 山村不假陰 流水自時刻

日雨 田家家梯碧 峯門門鎖青 煙因思蛻骨人 化作飛桂仙

觀種樹 卷之九

及古閣

種樹皆待春春至難久留君看朝夕花誰免別離
愁心意已零落種之仍未休胡爲好奇者無事自
買憂田家寒澍幾峯門門隨青壘因思地骨入外
春後雨
昨夜一霎雨天意蘇群物何物最先知虛庭草爭
出

答友人贈炭

青山白屋有仁人贈炭價重雙烏銀驅却坐上千
重寒燒出爐中一片春吹霞弄日光不定暖得曲

身成直身

爛柯石

仙界一日內人間千載窮雙碁未徧局萬物皆爲
空樵客返歸路斧柯爛從風唯餘石橋在猶自凌

丹虹

時刻猶有
靈丹紅

良翁尋言上人

萬里莓苔地不見驅馳蹤唯開文字窗時寫日月

容竹韻漫蕭屑草花徒織

元刻
蒙

茸披霜入衆木獨

自識青松

噴玉布

去塵咫尺步山笑康樂巖天開紫石屏泉縷

宋刻鏤

明月簾仙凝刻削跡靈綻雲霞織悅聞若有待瞥
見終無厭俗玩詎能近道嬉方可淹踏着不死機
欲歸多浮嫌古醉今忽醒今求古仍潛古今相笑
失語默兩難恬贈君噴玉布一濯高漸漸

姑蔑城

勁越既成土強吳亦爲墟皇風一已被茲邑信平
居撫俗觀舊跡行春布新書興亡意何在綿歎空

躊躕

崢嶸嶺

疏鑿順高下結構橫煙霞坐嘯郡齋肅玩奇石路
斜古樹浮綠氣高門結朱華始見崢嶸狀仰止逾
可嘉

尋裴處士

涉水更登陸所向皆清真寒艸不藏徑靈峯知有
人悠哉鍊金客獨與煙霞親曾是欲輕舉誰言空
隱淪遠心寄白日

時刻

華髮迴青春對此欽勝事

胡爲勞我身

子慶詩

王家事已奇孟氏慶無涯獻子還生子義之又有
之鳳兮且莫歎鯉也會聞詩小小豫章甲纖纖玉
樹姿人來唯仰乳母抱未知慈我欲揀其養放麀
者是誰

憩淮上觀公法堂

動覺日月短靜知時歲長自悲道路人暫宿空閑
堂孤燭讓清晝紗巾斂輝光高僧積素行事外無

剛強我有巖下桂願爲爐中香不惜青翠姿爲君

時刻師

揚芬芳淮水色不汚汴流徒渾黃且將琉璃

意淨綴芙蓉章明日還獨行羈愁來舊腸

江邑春霖奉贈陳侍御

江上花木凍雨中零落春應由放忠直在此成漂
淪嘉艷皆損汚好音難殷勤天涯多遠恨雪涕盈
芳辰坐哭青草上臥吟幽水濱興言念風俗得意
唯波鱗枕蓆病流溼簷楹若飛津始知吳楚水不
及京洛塵風浦蕩歸棹泥陂陷征輪兩途日無遂

東里
九
相贈唯沾巾

溧陽秋霽

晚雨曉猶在蕭寥激前階
星星滿衰鬢取取入秋
懷舊識半零落前心驟相乖
飽泉亦恐醉惕宦肅
如齋上客處華池下寮宅
枯崖叩高占生物齟齬
回難諧

列仙文

大霞霏晨暉元氣無常形
玄轡飛霄外八景乘高
清手把玉皇袂攜我晨中生
玄庭自嘉會金書折

華名賢女密所妍相期洛水輶

右方諸青童君

歛駕空清虛徘徊西華館
瓊輪暨晨抄虎騎逐煙
散惠風振丹旌明燭朗入煥
解襟墉房內神鈴鳴
璀璨栖景若林柯九絃空中彈
遺我積世憂釋此
千載歎怡眄無極已終夜復待旦

清虛真人

駕我八景輿歛然入玉清
龍羣拂霄上虎旗攝朱
兵逍遙三絃際萬流無暫停
哀此去留會劫盡天

地傾當尋無中景不死亦不生體彼自然道寂觀
合大冥南嶽挺直榦玉英曜穎精有任靡期事無
心自虛靈嘉會絳河內相與樂朱英

金母飛空歌安度明

丹霞煥上清八風鼓太和迴我神睿輦遂造嶺玉
阿咄嗟天地外九圍皆我家上采白日精下欽黃
月華靈觀空無中鵬路無間邪顧見魏賢安濁氣
傷汝和勤研玄中思道成更相過

夏日謁智遠禪師

吾師當幾祖說法云無空禪心三界外宴坐天地
中院靜鬼神去身與草木同因知護王國滿鉢盛
毒龍抖擻塵埃衣謁師見真宗何必千萬劫瞬息
去樊籠盛夏火爲日一堂十月風不得爲弟子名
姓挂儒宮

訪嵩陽道士不遇

先生五兵遊文焰藏金鼎日下鶴過時人間空落
影常言一粒藥不墮生死境何當列禦寇去問仙
人請

東野 十一
聽藍溪僧爲元居士說維摩經

古樹少枝葉真僧亦相依山木自由直道人無是
非手持維摩偈心向居士歸空景忽開霽雪花猶
在衣洗然水溪晝寒物生光輝

借車

借車載家具家具少於車借者莫彈指貧窮何足

嗟百年徒技

元刻
役

走萬事盡隨花

喜符郎詩有天縱

念符不由級屹得文章階白玉抽一毫綠珉已難

排偷筆作文章乞墨潛磨揩海鯨始生尾試擺蓬
壺渦幸當禁止之勿使恣狂懷自悲無子嗟喜妒
雙喈喈

憑周況先輩於朝賢乞茶

道意勿乏味心緒病無惊蒙茗玉花盡越甌荷葉
空錦水有鮮色蜀山饒芳藂雲根纔翦綠印縫已
霏紅曾向貴人得最將詩叟同幸爲乞寄來救此

病

時刻
窮

劣躬

上昭成閣不得於從姪僧悟空院歎嗟

欲上千級

時刻尺

閣問天三四言未盡數十登心目

風浪翻手手把驚魄脚踏墜魂却流至舊手傍

掣猶欲奔老病但自悲古蠹木萬痕老力安可誇

秋海萍一根孤叟何所歸晝眼如黃昏常恐失好

步入彼市井門結僧為親情策竹為子孫此誠徒

切切此意空存存一寸地上語高天何由聞

魏博田興尚書聽嬈

元刻有之字

命不立非夫人

詩

君子耽古禮如饒魚吞鈎昨聞敬嬈言掣心東北

流魏博田尚書與禮相綢繆善詞聞天下一日一

再周

讀經

垂老抱佛脚教妻讀黃經經黃名小品一紙千明

星曾讀大般若細感盼蠻聽當時把齋中方寸抱

萬靈忽復入長安蹴踏日月寧老方却歸來收拾

可丁丁拂拭塵几按開函就孤亭儒書難借索僧

籤饒芳馨驛驛不開手鏗鏗聞異鈴得善如焚香

去惡如脫腥安得顏子耳曾未如此聽聽之何有

言德教貴有形何言中國外有國如海萍海萍國
教異天聲各泠泠安排未定時心火競熒熒將如
庶幾者聲盡形元冥

謝李翰再到

等閑拜日晚夫妻猶相瘡況是賢人冤何必哭飛
揚昨夜夢得劍爲君藏中腸會將當風烹血染布
衣裳勞君又叩門詞句失尋常我不忍出廳血字
涇土牆血字取不滅我心懼惶惶會有鏗鏘夫見
之目生光生光非等閒君其且安詳

忽不貧喜盧仝書船歸洛

貧孟忽不貧請問孟何如盧仝歸洛船崔嵬但載
書江湖清翻翻淮潮碧徐徐夜信爲朝信朝信良
卷舒江淮君子水相送仁有餘我去官色彩肩經
入君廬喃喃肩經郎言語傾琪琚琪琚鏗好詞鳥
鵲躍庭除書船平安歸喜報鄉里間我願拾遺柴
巢經於空虛下免塵土侵上爲元刻與雲霞居日月

更相鎖道義分明儲不願空峇堯但願實工夫實
空二理微分別相起予經書荒蕪多爲君勉勉鋤

勉勉不敢專傳之方在諸

孟東野集卷第九

孟東野集目錄

卷第十

哀傷

吊國殤 吊比干墓 吊元魯山十首 哭李

觀 李少府廳吊李元賓遺字 悼吳興湯

衡評事 哀孟雲卿嵩陽荒居 哭盧貞國

傷舊遊 吊房十五次卿少府 逢江南

故書上人會中鄭方回 哭祕書包大監

悼幼子 悼亡 吊李元賓墳 覽崔爽遺

文因紆幽懷 峽哀十首 杏殤九首 吊江

南老家人春梅 哭李丹員外并寄杜中丞

哭劉言史十首 卷之十

李少真 李少真 李少真 李少真

李少真 李少真 李少真 李少真

李少真 李少真 李少真 李少真

卷之十

孟東野集目錄終卷十

孟東野詩卷第十

哀傷

吊國殤

徒言人最靈 白骨時刻 亂縱橫 如何當春死不及

羣草生堯舜 宰乾坤 器農不器兵 秦漢盜山岳 鑄

殺不鑄 畊天地 莫生金 生金人競時刻 爭起

吊比干墓

殷辛帝 天下厭 為天下尊 乾剛既一 斷賢愚 無一
門佞是福 身本忠是喪 已源餓虎不食子 人無骨

肉恩日影不入地下埋冤死魂有骨不爲土應作
直木根今來過此鄉下馬吊此墳靜念君臣間有
道誰敢論

吊元魯山

搏鷲有餘飽魯山長饑空豪人飫鮮肥魯山飯蒿
蓬食名皆霸官食力乃堯農君子恥新態魯山與
古終天璞本平一人巧生異同魯山不自剖全璞
竟沒躬

又

自剖多是非流濫將何歸奔競時刻損軀立詭節凌侮
爭怪輝五帝坐銷鑠萬類隨衰微以茲見魯山道
蹇無所依

又

君子不自蹇魯山蹇有因苟含天地秀皆是天地
身天地蹇既甚魯山道莫伸天地氣不足魯山食
更貧始知補元化竟須得賢人

又

賢人多自竊道理與俗乖細功不敢言遠韵方始

諸萬物飽爲飽萬人懷爲懷一聲苟失所衆憾來
相排所以元魯山饑衰難與偕

又

遠階無近級造次不可昇賢人潔腸胃寒日空澄
凝血誓竟訛謬膏明易煎蒸以之驅魯山疎迹去
莫藥

又

言從魯山宦盡化堯時心豺狼耻狂噬齒牙閉霜

金

元刻
針

競來闢田禾

宋刻
土

相與畊欽岑當宵無關

銷竟歲饒歌吟善教復

元刻
履

天術美詞非俗箴精

微自然事視聽不可尋因書魯山績庶合簫韶音

又

簫韶太平樂魯山不虛作千古若有知百年幸如
昨誰能嗣教化以此洗浮薄君臣貴深遇天地有
靈橐力運旣難難德符方合漠名位苟虛曠聲明
自銷鑠禮法雖相救貞濃易糟粕哀哀元魯山畢
竟誰能度

又

當今富教化

元刻聖朝禮嘉士

元后得賢相冰心鏡衰古

霜議清遐障幽埋盡洗洗滯旅免流浪唯餘魯山
名未獲旌廉讓二三貞若士刷視聳危望髮秋青
山夜目斷丹闕亮誘類幸從茲嘉招固非妄小生
奏狂狷感惕增萬狀

又

黃犢不知孝魯山自駕車非賢不可妻魯山竟無
家僕養恥它力言詞豈纖瑕將謠魯山德贖海誰
能涯

又

遺嬰盡鵲乳何況骨肉枝心腸結苦誠育臆垂甘
滋事已出古表誰言獨今奇賢人無萬物豈弟流
前詩

哭李觀

志士不得老多爲直氣傷阮公終日哭壽命固難
長顏子旣歿謝孔門無輝光文星落奇曜寶劍摧
修鉉常作金應石忽爲宮別商爲爾吊琴瑟斷絃
難再張偏轂不可轉隻翼不可翔清塵無吹嘘委

地難飛揚此義古所重此風今已亡自聞喪元賓
一日八九狂沉痛此丈夫驚呼彼穹蒼我有出俗
韻勞君疾惡腸知音既已矣微言時刻誰能彰旅
葬無高墳栽時刻孤松不成行哀歌動寒日贈淚沾
晨霜神理本窅窅時刻冥冥今來更茫茫何以蕩悲懷
萬事付一觴

李少府廳吊李元賓遺字

元賓題少府廳云宿從叔宅有感有

零落三四字忽成千萬年那知冥冥客不有補亡

篇斜月吊空壁旅人難獨眠一生能幾時百慮來
相煎戚戚故交淚幽幽長夜泉已矣難重言一言
一潛然

悼吳興湯

元刻衡評事

君生時刻雪水清君歿雪水渾空令骨肉情哭得

白日昏大夜不復曉古松長閉門琴絃綠水絕詩
句青山存笱爲芳春顏今爲荒草根獨問冥冥理
先儒未曾言

哀孟雲卿嵩陽荒居

戚戚抱幽獨晏晏沉荒居不聞新歡笑但覩舊詩
書藝蘗意彌苦耕山食無餘定交咎何在至戚今
或疎薄俗易銷歇淳風難久舒秋蕪上空堂寒槿
落枯渠薙草恐傷蕙攝衣自理鋤殘芳亦可餌遺
秀誰忍除徘徊未能去爲爾涕漣如

哭盧貞國

一別難與期存亡易寒燠下馬入君門聲悲不成
哭自能富才藝當冀深榮祿皇天負我賢遺恨至
兩目平生嘆無子家家親相囑

傷舊遊

去春會處今春歸花數不減人數稀朝笑片時算
成泣東風一向還西輝

吊房十五次卿少府

日高方得起獨賞些些春可惜宛轉鸞好音與它
人管年此氣味還走曲江濱逢著韓退之結交方
殷勤蜀客骨目高聰辯劒戟新如何昨日歡今日
見無因英奇一謝世視聽一爲塵誰言老淚短淚

短沾衣巾

時刻足
沾巾

東野 逢江南故書上人會中鄭方回

上人往年手札五十篇相

贈云以為它日之念

相逢失意中萬感因語至追息東林日掩抑北邙

淚筐篋有遺文江山舊清氣塵生道遙注

元刻墨篇

故飛動字荒毀碧澗居虛無青松位珠沉百泉暗

月死羣象閉永謝平生言知音豈容易

哭祕書包大監

哲人臥病日賤子泣玉年常恐寶鏡破明月難再

圓文字未改素聲容忽歸玄始知知音稀千載一

絕絃舊館有遺琴清風那復傳

吳武悼幼子

一閉黃蒿門不聞白日事生氣散成風枯骸化為

地負我十年恩欠爾千行淚灑之北原上不待秋

風至

悼亡

山頭明月夜增輝不照重泉下泉下雙龍無再期

金蚕玉燕空銷化朝雲暮雨成古墟蕭蕭野竹風

吹亞

吊李元賓墳

曉土荒涼原吊彼冥冥魂眼咽此時淚耳悽在自言寂寂千萬年墳鎖孤松根

覽崔爽遺文因紆幽懷

崔君沒于南方

墮淚數首文悲結千里墳蒼旻且畱我白日空遺君仙鶴未巢月衰鳳先墜雲清風獨起時舊語如再聞瑶草罷葳蕤桂花休氛氲萬物與我心相感

吳江濱

峽哀

管多相與笑今誰相與哀峽哀哭幽魂時刻 噉噉

風吹來墮魄抱空月出沒難自裁壘粉一閃間春

濤百丈時刻 雷峽水聲不平碧沲牽清洄沙稜箭

箭時刻 急波齒斷斷開呀彼無底呪待此不測災

谷號相噴激石怒爭旋迴古醉時刻 有時刻 復鄉

今縲多為能字孤徒髣髴銜雪猶驚猜薄俗少直

腸交結須橫財黃金買相吊幽泣無餘灌我有古

心意為君空摧頽

又

上天下天水出地入地舟石劔相劈斫石波怒蛟
虬花木疊宿春風颺凝古秋幽怪窟穴語飛聞盼
蠻流沉哀日已深衙訴將何求

又

三峽一線天三峽萬繩泉上仄碎日月一掣狂漪
漣破窺一兩點凝幽數百年峽暉不停午峽險多
饑涎樹根鎖枯棺孤骨裊裊懸樹枝哭霜棲哀韻
杳杳鮮逐客零落腸到此湯火煎性命如紡績道
路隨索緣奠淚時刻吊波靈波靈將閃然

又

峽亂鳴清磬元刻峽風產石為鮮鱗噴為腥雨涎
吹作黑井身怪光閃眾異餓劔唯待人老腸未曾
飽古齒嶄崑嶼嚼齒三峽泉三峽聲斷斷

又

峽螭元刻老解語百丈潭底聞毒波為計投飲血
養子孫既非臯陶吏空食沉獄時刻魂潛怪何幽
幽魄說徒云云峽聽哀哭泉峽吊鰥寡猿峽聲非
人聲劔水相劈翻斯誰士諸謝奉此沉苦言

又

讒人峽虬心渴罪呀然溥所食無直腸所語饒臬
 音石齒嚼百泉石風號千琴幽哀莫能遠分雪何
 由尋月窟時刻高卓卓峽窟時刻清沉沉銜訴何
 時明抱痛已不禁犀飛空波濤裂石千嶽岑

又

峽稜剗日月日月多摧輝物皆斜仄生鳥亦斜仄
 飛潛石齒相鎖沉窺招莫歸恍惚清泉甲班爛碧
 石衣餓燕潺湲號涎似泓泫肥峽青不可遊腥草

生微微

又

峽景滑易墮峽花怪非春紅光根潛涎碧雨飛沃
 津巴谷蛟螭心巴鄉魍魎親噉生不問賢至死獨
 養身腥語信者誰拗歌歡非真仄田無異稼毒水
 多瘳鱗異類不可友峽哀哀難伸

又

峽水劒戟瘳峽舟霹靂翔因依虺蜴手起坐風雨
 忙峽旅多竄官峽氓多非良滑心不可求滑習積

已長漠漠涎霧起斷斷涎水光渴賢如之何忽在

水元刻此中央

又

梟鴟作人語蛟虬吸水波能于白日間諂欲晴風
和駭智蹶衆命蘊腥布深蘿齒泉無底貧鋸涎在
處多仄樹鳥不巢踔狝猿相過峽哀不可聽峽怨
其奈何

杏殤并序

杏殤花乳也霜翦而落因悲昔嬰故作是

觀賦詩

凍手莫弄珠弄珠珠易飛驚霜莫翦春翦春無光

輝零落小花乳爛班管嬰衣拾之不盈把日算空

悲婦

地上空拾星枝上不見花哀哀孤老人戚戚無子

家豈若沒水鳧不如拾巢鴉浪穀破便飛風鷓裊

相誇芳嬰不復生向物空悲嗟

又

又

東野 卷之十 及古

應是一線淚入此春木心枝枝不成花片片落翦
金春壽何可長霜哀亦已淡常時洗芳泉此日洗
淚襟

又

兒生月不明兒死月始光兒月兩相奪兒命果不
長如何此英英亦為吊蒼蒼甘為墮地塵不為末

世時刻芳

世木

又

踏地恐土痛損彼芳樹根此誠天不知翦棄我子

孫垂枝有千落芳命無一存誰謂生人家春色不

入門

又

冽冽霜殺春枝枝疑織刀木心既零落山竅空呼
號班班落地英點點如明膏始知天地間萬物皆
不牢

又

哭此不成春淚痕三四班失芳蝶既狂失子老亦
孱且時刻無生生力自時刻有死死顏靈鳳不銜

訴誰為扣天關

又

此兒自見災花發多不諧窮老收碎心永夜抱破
懷聲死更何言意死不必嗒病叟無子孫獨立猶
束柴

又

霜似敗紅芳翦啄十數雙參差呻細風唵喞沸

元刻

戲 淺江泣凝

時刻疑

不可消

時刻誚

恨壯難自降空遺

舊日影怨彼

時刻此

小書窗

吊江南老家人春梅

念爾筋力盡違我衣食恩奈何粗獷兒生鞭見死

痕舊使常以禮新怨

時刻冤

將誰吞胡為乎泥中

時刻

上天 消歇教義源

哭李丹員外并寄杜中丞

生死方知交態存忍將齮齮報幽冤十年同在平

原客更遣何人哭寢門

哭劉言史

詩人業孤峭餓死良已多相悲與相笑累累其奈

何精異劉言史詩腸傾珠河取次抱置之

元刻取次為拋

擲飛過東溟波可惜大國謠廳為四夷歌常于衆

中會顏色兩切嗟今日果成死葬襄

時刻

之洛河

河岸遠相吊灑淚雙滂沱

吊盧殷

詩人多清峭餓死抱空山白雲既無主飛出意等

閒久病牀席尸護喪童僕孱故書窮鼠嚙狼籍一

室間君歸新鬼鄉我面古玉

時刻

顏羞見入地時

無人叫追攀百泉空相吊日久

元刻

哀潺潺

又

唧唧復唧唧千古一月色新新復新新千古一花

春却風噫孟郊嵩秋葬盧殷北却前後客相吊為

埃塵北却棘針草淚根生苦辛煙火不自煖筋力

早已貧幽薦一盃泣瀉之清洛濱添為斷腸聲愁

殺長別人

又

棘針風相號破碎諸苦哀苦哀不可聞掩耳亦入

來哭絃多煎聲恨涕有餘摧噫貧氣已焚噫死心

更灰夢世浮閃閃淚波深洄洄薤歌一以去蒿閉
不復開

又

登封草木深登封道路微日月不與光莓苔空生
衣可憐無子翁蚍蜉緣病肌攣臥歲歲長漣漣但
幽噫幽噫虎豹聞此外相訪稀至親唯有詩抱心
死有歸河南韓先生後君作因依磨一片嵌巖書
千古光輝

又

賢人無計按生苦死徒誇它名潤子孫君名潤泥
沙可憐千首文閃如一朝花零落難苦言元刻起
坐空驚嗟

又

耳聞陋巷生眼見魯山君餓死始有名餓名高氛
氲慙叟老壯氣感之爲憂雲所憂唯一泣古今相
紛紛平生與君說逮此俱云云

又

初識漆鬢髮爭爲新文章夜踏明月橋店時刻飲

時刻 吾曹床醉啜二盃釀名郁一縣香寺中摘梅

花園裏翦浮芳高嗜綠蔬時刻 美意輕肥膩羊吟

哦無滓韵言語多古腸白首忽然至盛年如偷將

清濁俱莫追何須罵滄浪虛 古

又

前賢多哭酒哭酒免哭心後賢試銜之哀至無不

深少年哭酒時白髮亦已侵老年哭酒時聲韵隨

生沉寄言哭酒賓勿作登封音登封徒放聲天地

竟難尋苦

又

同人少相哭異類多相號始知禽獸癡却至天然

高非子病無淚非父念莫勞如何裁親疎用禮如

用刀孤喪鮮匍匐閉哀抱鬱陶煩他手中葬誠信

焉能褒嗟嗟無子翁死棄如脫毛

又

聖人哭賢人骨化氣爲星文章非上天列宿增晶

熒前古文可數今人文亦靈高名稱謫仙昇降曾

莫停有文死更香無文生亦腥爲君鏗好辭永傳

作謚寧

孟東野集卷第十

孟東野集附

聯句

有所思聯句

相思繞我心日夕千萬重年光坐晚晚元刻春淚晚

銷顏容郊臺鏡晦舊暉庭草滋新茸望夫山上石

別劍水元刻中龍愈

遣興聯句

我心隨月光寫君庭中央郊月光有時晦我心安

所忘愈常恐金石契斷為相思腸郊平生無百歲

岐路有四方愈 四方各異俗適意非所將郊 駕蹄

顧挫秣逸翮遺稻梁愈 時危抱獨沉道泰懷同翔

郊 獨居久寂默相顧聊慨慷慨慷丈夫志可以耀

鋒鉞郊 遽甯知卷舒孔顏識行藏愈 朗鑒諒不遠

佩蘭永芬芳郊 苟無夫子聽誰使知音揚愈

贈劔客李園聯句

天地有靈術得之者唯君郊 築爐地區外積火燒

氛氲愈 照海鑠幽怪滿空歎異氛郊 山磨電奕奕

水淬龍蜃蜃愈 太一裝以寶列仙篆其文郊 可用

懾百神豈唯壯三軍愈 有時幽匣吟忽似深潭聞

郊 風胡久已死此劔將誰分愈 行當獻天子然後

致殊勲郊 豈如知時刻 豐城下空有斗間雲愈

城南聯句 一百五
十韻

竹影金鎖碎郊 泉音玉淙瑋瑠璃翦木葉愈 翡翠

開園英流滑隨仄步郊 搜尋得深行遙岑出寸碧

愈 遠目增雙明乾穉紛拄地郊 化蟲枯楬莖木腐

或垂耳愈 草珠競駢睛浮虛有新斲郊 摧杙饒孤

撐囚飛粘網動愈 盜一作 啁接彈驚脫實自開坼

郊 牽柔誰繞縈禮鼠拱而立愈駭一作牛躅且鳴

蔬甲喜臨社郊田毛樂寬征露螢不自暖愈凍蝶

尚息輕宿羽有先曉郊食鱗時半橫菱翻紫角利

愈荷折碧圓傾楚膩鱸鮓亂郊獠羞螺螄并桑螵

見虛指愈穴狸聞鬪獰逗翳翅相築郊擺幽尾交

榜蔓涎角出縮愈樹啄頭敲鏗修箭裊金餌郊羣

鮮沸池羨岸殼圻玄兆愈野薺漸豐萌窰煙纂疏

島郊沙篆印迴平瘁肌遭蚝刺愈啾耳聞雞生奇

慮恣迴轉郊遐睎縱逢迎巔林戢遠睫愈縹氣夷

空情歸跡歸不得郊捨心捨還爭靈麻撮狗蝨愈

村稚啼禽猩紅皺曬簷瓦郊黃團繫門衡得雋蠅

虎健愈相殘雀豹趙束枯樵指禿郊刈熟擔肩頰

澁旋皮卷鬻愈苦開腹膨脝機春潺湲力郊吹皺

飄飄精賽饌木盤蔟愈元鞞妖藤索拼荒學五六

卷郊古藏四三瑩里儒拳足拜愈土恠閃眸偵蹄

遁補復破郊絲窠掃還成暮堂蝙蝠沸愈破竈伊

威盈追此訊前三郊答云皆冢卿敗壁剝寒月愈

折篁嘯遺笙桂熏霏霏在郊綦跡微微星劔石猶

竦檻愈獸材尚拏檻寶唾拾未盡郊玉蹄墮猶鎗

時作牕綃疑闕豔愈粧燭已銷繁綠髮抽珉甃郊

青膚聳瑤楨白蛾飛舞地愈幽蠹落書棚惟昔集

嘉詠郊吐芳類鳴嚶窺奇摘海異愈恣韻激天鯨

腸胃繞萬象郊精神驅五兵蜀雄李杜拔愈嶽力

雷車轟大句幹玄造郊高言軋霄崢芒端轉寒燠

愈神助溢盃觥巨細各乘運郊湍澗元作亦騰聲

凌花咀粉蓋愈削縷穿珠櫻綺語洗晴雪郊嬌辭

哢雛鸞酣歡雜弁珥愈繁價流金瓊齒替寫江元作

紅調郊菱蕤綴藍瑛庖霜繪玄鯽愈浙玉炊香粳

朝饌已百態郊香醪又千名衰匏蹙駛景愈冽唱

凝餘晶解魄不自主郊痺肥坐空瞳扳援賤蹊絕

愈炫曜仙選更藜巧競採笑郊駢鮮互探嬰桑變

忽蕪蔓愈樟栽浪登丁霞鬪詎能極郊風期誰復

賡臯區扶帝壤愈懷蘊郁天京祥色被文彥郊良

材插杉檉隱伏饒氣象愈興潛示堆坑擘華露神

物郊擁終儲地禎紆謨壯締始愈輔弼登階清全

秀恣填塞郊呀靈瀄渟澄益大連漢魏愈肇初過

周羸積照涵德鏡郊傳經儷金籛食家行鼎鼐愈

寵族飫弓旌弈制盡從賜郊殊私得逾程飛橋上

架漢愈繚岸俯窺瀛瀟碧遠輸委郊胡一作湖嵌費

攜擎荀苜從大漢愈時楓儲元作楮至南荆嘉植鮮

危朽郊膏埋易滋榮懸長巧細翠愈象曲善攢珩

魚口星浮沒郊馬毛錦斑駢五方亂風土愈百種

分鋤耕葩葉相妬出郊菲茸共舒晴類招臻倜詭

愈翼萃伏衿纓危望跨飛動郊冥升躡登閎春游

轢霍靡愈彩伴颺嫫媿遺燦飄的皪郊淑顏洞精

誠嬌應如在寤愈頽意若含醒鵷毳翔衣帶郊鵝

肪截珮璜文昇相照灼愈武勝屠攬搶割錦不酬

價郊構雲有高營通波物鱗介愈疏畹富蕭蘅買

養馴孔翠郊遠苞樹蕉楨鴻頭排刺芡愈鵠殼攢

瓌橙驚廣雜良牧郊蒙休賴先盟罷旄奉環衛愈

守封踐忠貞戰服脫明介郊朝冠飄彩紘爵勲逮

僮隸愈簪笏自懷紉乳下秀嶷嶷郊椒蕃泣嗶嗶

貌鑑清溢匣愈眸光寒發劓館儒養經史郊綴戚

觴孫甥考鍾饋肴核愈憂鼓侑牢牲飛膳自北下

郊 函珍極東京如瓜煮大卵愈 比線茹芳菁海嶽

錯口腹郊 趙燕錫媼姪一笑釋仇恨愈 百金交弟

兄貨至貊戎市郊 呼傳鸚鵡令順居無鬼瞰愈 抑

橫免官評殺候肆凌翦郊 籠原市且紘羽空顛稚

鷄愈 血路迸狐麋折足去蹠踔郊 感髻怒鬢鬟躍

犬疾翥鳥愈 呀鷹甚饑畜算蹄記功賞郊 裂臙元

脇相控時作擒盪 振猛斃牛馬樂愈 妖殘梟鴿惇窟窮

尚嗔視郊 箭出方驚抨連箱載已實愈 礙轍棄仍

羸喘覷鋒刃點郊 困衝株杙盲掃淨豁曠曠愈 騁

遙畧萃萃饒叔飽活嚮郊 惡嚼嘔腥鯖歲律及郊

至愈 古音命韶諛旗旆流日月郊 帳廬扶棟薨磊

落奠鴻壁愈 參差席香蕝玄祗祉兆姓郊 黑柜饒

豐盛慶流蠲瘥癘愈 威暢捐輶輞靈燔望高岡郊

龍駕聞敲颺是惟禮之盛愈 永用表其宏德孕厚

生植郊 恩熙完別剌宅土盡華族愈 運田間強毗

蔭庾森嶺檜郊 啄場翮祥鵬哇肥剪韭薤愈 陶固

收盆鬻利養積餘健郊 孝思事嚴祊掘雲破喘噪

愈 採月漉切泓寺砌上明鏡郊 僧盂敲曉鉦泥像

對騁恠愈鐵鍾孤春錕瘦頸鬧鳩郊蛇虺亂球

螫甚黑老蠶蠋愈麥黃韻鸚鷓韶曙遲勝賞郊賢

明元作朋元作戒先庚馳門填偈仄愈競墅輾砢碎醉結

碎時作縮紅滿杏郊稠凝碧浮錫蹠時作蹠時作繩覲娥婺愈

鬪草擷元作拮元作璣珵粉汗澤廣額郊金星墮連瓔鼻

偷困淑郁愈眼剽强盯矚是節飽顏色郊茲疆稱

都城書饒罄魚繭愈紀盛播琴箏奚必事遠覲郊

無端逐羈僮將身親魍魅愈浮跡侶鷗鵲腥味空

奠屈郊天年徒羨彭驚魂見蛇蚓愈觸嗅值蝦蟇

幸得履中氣郊忝從拂天棖歸私暫休暇愈驅明

元作昵元作出庠鬢鮮意竦輕暢郊連輝照瓊瑩陶暄逐

風乙愈躍視舞晴蜻足勝自多詣郊心貪敵無勅

始知樂名教愈何用苦拘擥畢景任詩趣郊焉能

守磴磴愈

會合聯句

離別言無期會合意彌重籍病添兒女戀老喪丈

夫勇愈劔心知未謝元作死元作詩思猶孤聳郊愁去劇

箭飛謹來若泉涌微折宋作析宋作言多新貫攄抱無昔

壅籍念難須勤追悔易勿輕踵愈吟巴山犖作元

犖卓犖時說楚波堆壟郊馬辭虎豹怒舟出蛟鼉恐

徹狂鯨時孤軒幽狃雜百種愈瘴衣常腥膩蠻器

多踈冗籍剝苔弔班林角飯餌沉塚愈忽爾銜遠

命歸歟元作舞新寵郊鬼窟脫幽妖天居覲清拱

愈京遊步方振謫夢意猶恂籍詩書誇舊知酒食

接新奉愈嘉言寫清越瘡病失朮腫郊夏陰偶高

庇宵魂元作接虛擁愈雪絃寂寂聽茗盃纖纖捧

郊馳輝燭浮螢幽響泄潛蜚愈詩老獨何心江疾

有餘虜郊我家本漚穀有地介臯鞏休跡憶沉冥

峨冠慙闕罅升朝高轡逸振物羣聽悚徒時作言

濯幽泌誰與雜荒茸籍朝紳鬱青綠馬飾曜珪琪

國讎未銷鑠我志蕩邛隴郊君才誠倜儻時論方

洵溶格言多彪蔚懸解無桔拳張生得淵源寒色

拔山冢堅如撞羣金眇若抽獨蛹愈伊余何所擬

跛鼈詎能踊塊然墮岳石飄爾胷巢郊龍旆垂

天衛雲韶凝禁甬君乎元作眠安然朝鼓聲洶洶

鬪雞聯句

大雞昂然來小雞竦而待愈崢嶸顛盛氣洗刷凝

鮮彩郊高行若矜豪側睨如何殆愈精光目相射

劔戟心獨在郊既取寇為胄復以距為鏃元作天

時得清寒地利挾元作狹時作挾爽塏愈磔毛各噤瘁元作

瘁怒癭爭礮磊俄膺忽爾低植立瞥而改郊膈膊

戰聲喧續翻落羽矐中休事未決小挫勢益倍愈

姤腸務生敵欺一作賊性專相醢裂血失鳴聲啄殷

甚饑餒郊對起何急驚隨旋誠巧給毒手飽李陽

神槌元作困朱亥愈惻心我以仁碎首爾何罪獨

勝事有然旁驚汗流浹郊知雄欣動顏怯負愁看

時作賄爭觀雲填道助叫波翻海愈事宋作爭爪深

難解嗔晴時未怠一噴一醒然再接再囑乃郊頭

垂碎丹砂翼搨拖錦綵軒尚賈餘勇清厲比歸凱

愈選俊感收毛受恩慙始隗英心甘鬪死義尚耻

庖宰君看鬪雞篇短韻有可採郊

納涼聯句

遍宋作虎嘯取遙風微微近秋朔郊金柔氣相低火

老候愈燭愈熙熙炎光流竦竦高雲擢愈閃紅驚

蚴虬凝赤聳山嶽目林恐焚燒耳井憶澆澆仰懼

失交泰非時結冰雹化鄧渴且多奔河誠已慙暘

道者誰子叩商者何樂洗元作浩矣得滂沱感然鳴

鸞鸞嘉願苟未從前心空緬邈清砌千迴坐冷環

再三掘煩懷却星星元作醒醒高意還卓卓郊龍沈劇

煮鮮牛喘甚熒角蟬煩鳴轉喝烏噪饑不啄晝蠅

食案繁宵蚋肌血渥單絺厭已禡長筭倦還捉幸

茲得佳朋於此蔭華桷青熒文簞施淡澈甘瓜濯

大壁曠凝淨古晝奇駁犖淒如玃時刻寒門皓若

攢玉璞掃寬延鮮飈汲泠漬香櫛篚實摘林珍盤

肴饋禽殼時作殼空堂喜淹留貧饌羞齷齪愈殷勤

相勸勉左右加礪斲賈勇新發硎爭前曜冰槩微

然草根響先被詩情覺感衰悲舊改工異逞新貌

誰言擯朋老猶自將心學危簷不敢憑朽機懼傾

撲青雲路難近黃鶴足仍鋌未能飲淵泉立滯叫

芳葯郊與子昔睽離嗟余苦屯剝直道敗邪徑拙

謀傷巧詠炎湖度氛氲熱石行犖砢瘠饑夏尤甚

瘡渴秋更數君顏不可覲君手無由搨今來沐新
恩庶見返鴻朴儒庠恣遊息聖籍飽商榷危行無
低徊正言免咿啞車馬獲同驅酒醪欣漱濯惟憂
棄管蒯敢望侍帷幄此志且如何希君爲追琢愈

秋雨聯句

萬木聲號呼百川氣交會郊庭翻樹離合牖變景
明藹愈深瀉殊未終飛浮亦云泰郊牽懷到空山
屬聽邇驚瀨愈簷垂白練元作直渠漲清湘夫郊
井津澤祥禾時作伏潤肥荒艾愈主人吟有歡客

子歌無奈郊侵陽日沈玄剝節風搜兌愈塊北遊

峽喧颼颯卧江汰郊微飄來枕前高灑自天外愈

蟄穴何迫窄蟬枝掃鳴噦郊園菊茂新芳逕蘭銷

晚馥愈地鏡時昏曉池星競漂沛郊謹叟尋一聲

灌注咽羣籟愈儒宮煙火濕市舍煎熬忤郊卧冷

空避門衣寒屢修元作帶愈水怒已倒流陰繁恐

凝害郊憂虞元作思舟楫感禹勤畎澮愈懷襄信

可畏疎決須有賴郊筮命或馮著卜情將問蔡愈

庭商忽驚舞墉榮亦親酌郊氣醱稍疎映雩亂還

擁蒼陰精

元作旌

時摻流帝鼓鎮甸磕棗圃落青璣

瓜畦爛文貝貧薪不燭竈富粟空填層

愈

秦俗動

言利魯儒欲何巧深路倒羸驂弱塗擁行軟毛羽

皆遭凍籬篔不能翻翻浪洗虛空傾濤敗藏蓋

郊

吾人猶在陳僮僕誠自鄙因思征蜀士未免濕戎

旆安得發商飈廓然吹宿靄白日懸大野幽泥化

輕盭戰場暫一乾賊肉行可膾

愈

搜心思有效抽

策期稱最豈惟慮收穫亦已救顛沛

郊

禽情初嘯

儔礎色微收霈庶幾諧我願遂止無已大

愈

征蜀聯句

日

元作日

王忿違傲有命事誅拔蜀險豁關防秦師

縱橫猾

愈

風旗市地揚雷鼓轟天殺竹兵彼皴脆

鐵刃

時作刀

我鎗齧

郊

刑神咤犖旄陰燄颺犀札翻

霓紛偃蹇塞野瀕垓北

愈

生儻競掣跌癡突爭填

軋渴鬪信厖叟何噢喟

郊

更呼相鞞蕩交斫

雙缺鬻火發激鉉腥血飄騰足滑

愈

飛猱無整陣

翩鶻有邪憂江倒沸鯨鯤山搖潰樞楔

郊

中離分

二三外變迷七八逆頸盡徽索仇頭恣髡怒鬚

猶鬚鬚斷臂仍瓢瓜愈石潛設奇伏穴覷騁精察

中矢類妖慘跳鋒狀驚狢蹋翻聚林嶺斗起成埃

坵郊施亡多空扛軸折鮮聯轄剝膚浹瘡痍敗面

碎剝剖渾奔肆狂勦捷竄脫趨黠巖鉤踔狙猿水

漉雜鱸蝟投奔鬧碛墜填湟儼元作儼倻愈强睛

死不閉獷眼困逾眇蕪堞焯歆熨抉門呀拗闖天

刀封未拆酋膽懾前握跽梁排時作非郁縮闖竇楔

窟窾迫脅聞雜驅咿啣叫冤黜郊時作窮區指清夷

兇部坐雕鍛印文裁斐疊巴豔收娼媼椎肥牛呼

牟載實駝鳴圓聖靈閔頑噐燾養均草蔡下書過

雄唬解罪弔孿瞎愈戰血時銷洗劒霜夜清刮漢

棧罷囂闐獠江息澎汜始去杏飛蜂及歸柳嘶蜚

廟獻繁馘級樂聲洞控楫郊臺圖煥丹玄郊告儼

匏稽念齒慰徽鯨視傷悼癥痍休輸任訛寢報力

厚楚韡戍寒絕朝乘刀暗歇宵登此二句一本公

歡鍾晨撞室宴絲曉拏盃盃酬酒醪箱篋饋巾帟

小臣昧戎經維用贊勳劫愈

同宿聯句

自從別君來遠出遭巧譖愈斑斑落春淚浩浩浮

秋浸郊毛奇覩象犀羽恠見鵬鳩愈朝行多危棧

時作夜卧繞驚枕郊生榮今分踰死棄昔情任愈

鷓行叅綺陌雞唱聞清禁郊山晴指高標槐密鶩

長蔭愈直辭一以薦巧舌千皆矜郊匡鼎惟說詩

桓譚不讀讖愈逸韻何嘈噉高名俟沽賃郊紛葩

歡屢填曠亮憂早滲愈為君開酒腸顛倒舞相飲

郊曦光霽曙物景曜鑠宵禳愈儒門雖大啓姦首

不敢闖義泉雖至近盜索不敢沁清琴試一揮白

鶴叫相喑時作相叫欲知心同樂雙繭抽作絰郊

莎柵聯句

冰溪時咽絕風櫪方軒舉愈此處不斷腸定知無

斷處郊

雨中寄孟刑部幾道聯句

秋潦淹元作輒跡高居限叅拜愈耿耿蓄良思遙

遙仰嘉話郊一晨長隔歲百步還時作殊界愈商

元作聽饒清聳悶時作懷空抑噫郊美君知道腴

逸步謝天械愈吟馨鑠紛雜抱照瑩疑恠郊撞宏

聲不掉輪邈瀾逾殺愈簷瀉碎江喧街流淺溪邁

郊念初相遭逢幸免因媒介祛煩類決癰愜與劇

爬疥研文較幽玄呼博騁雄快今君軺方元作馳

伊我羽已元作鍛溫存感深惠琢切奉明戒愈迨

茲更凝情暫阻若嬰瘵欲知相從盡靈珀捨特作

纖芥欲知相益多神藥銷宿憊德符仙山岸永丘

難欹壞氣涵秋天河有朗無驚湃郊祥鳳遺蒿鸚

雲韶掩夷靺爭名求鵠徒騰口甚蟬喝未來聲已

赫始鼓敵前敗鬪場再鳴先遐路一飛屈東野繼

奇躅修綸懸衆牓穿空細丘垤照日陋菅蒯愈小

生何足道積慎如觸蠆悻悻抱所諾翼翼自申戒

聖書空勘讀盜食敢求嘍惟當騎款段豈望覲珪

玠弱操愧筠杉微芳比蕭薤何以驗高明柔中有

剛大郊

遠遊聯句

別腸車輪轉一日一萬周郊離思春冰泮瀾浸不

可收愈馳光忽已迫飛轡誰能留愈取之詎灼灼

此去信悠悠楚客宿江山夜魂棲浪頭曉日生遠

岸水芳綴孤舟村飲泊好水

元作館

野蔬拾新柔獨

含淒淒別中結鬱鬱愁人憶舊行樂鳥吟新得儔

郊

靈瑟時宵宵露猿夜啾啾憤濤氣尚盛恨竹淚

空幽長懷絕無已多感良自尤即路涉獻歲歸期

眇涼秋兩歡日牢落孤悲坐綢繆愈觀恠忽蕩漾

叩奇獨冥搜海鯨吞明月浪島沒大漚

元作浮

我有

一寸鈎欲釣千丈流良知忽然遠壯志鬱無抽

郊

魍魅

時作魍

暫出沒蛟螭互蟠繆昌言拜舜禹舉颿

時作帆

凌斗牛懷精愧賢屈乘桴追聖丘飄然天外

步豈肯區中囚愈

楚些待誰吊賈辭緘恨投翳明

弗可曉秘菟安所求氣毒放逐域蓼雜芳菲疇當

春忽淒涼不枯亦颺颺貉謠衆猥欵巴語相呶啣

默誓去外俗嘉願還中州江生行既樂躬輦自相

戮

叶留

飲醇趣明代味腥謝荒陬

郊

馳深鼓利楫趨

險驚蜚輜繫石沉斬尚開弓射鴈

即驩兜字古文

路暗

執屏翳波驚戮陽侯廣泛信縹渺高行恣浮游外

患蕭蕭去中悒稍稍瘳振衣造雲闕跪坐陳清猷

德風變讒巧仁氣銷戈矛名聲照西海淑問無時

休歸哉孟夫子歸去無夷猶愈

据舊跋東野詩向有汴吳鏤本五卷一百二十餘篇周
安惠本十卷三百三十餘篇憲祇沒存矣近來雜
刻舛謬多遺不及四百既從吳興得一宋本釐別樂
府感興十四類共五百一十有奇系以贊書為十卷尾有
常山宋敏求跋真善本也但聯句止有所思遣興照
劍宮三章而城南諸篇因已見韓集不復具載先
輩云此乃潤色退之耳何必不載之本集耶至一讚
二書已章上英華文粹丹中妄用別去云湖南毛

晉識

孟東野集附終



